



তারিখ: ২৭/০১/২০২১ খ্রি:

স্মারক নং ৩৭.০২.০০০০.১০৫.৩১.০৭২.১৮-/১০৪/৬

বিষয় : ঢাকা মহানগরীর উইলস লিটল ফ্লাওয়ার স্কুল এন্ড কলেজ এর বর্তমান গভর্নিং বডিতে সভাপতির বিরুদ্ধে বিভিন্ন অপকর্ম ও দুর্নীতির অভিযোগের তদন্ত প্রতিবেদনের বিষয়ে ব্যাখ্যা দাখিলকরণ প্রসঙ্গে।

সূত্র : (১) স্মারক নং ৩৭.০২.০০০০.১০৫.৩১.০৭২.১৮.২১৫৩(৮) তারিখ : ৩০/০৫/২০১৯ খ্রি।
(২) তদন্ত কর্মকর্তার প্রতিবেদন;

উপর্যুক্ত বিষয়ের পরিপ্রেক্ষিতে জানানো যাচ্ছে যে, ঢাকা মহানগরীর উইলস লিটল ফ্লাওয়ার স্কুল এন্ড কলেজ এর গভর্নিং বডিতে সভাপতি ও দুর্নীতির অভিযোগের প্রেক্ষিতে মাধ্যমিক ও উচ্চ শিক্ষা অধিদপ্তরের বাংলাদেশ, ঢাকা থেকে তদন্ত কমিটি গঠন করা হয়। তদন্ত কর্মকর্তাগণ অভিযোগসমূহ তদন্ত করে নিম্নোক্ত মতামত প্রদান করেন।

(১) উইলস লিটল ফ্লাওয়ার স্কুল এন্ড কলেজ এর জ্যোষ্ঠ শিক্ষক থাকা সত্ত্বেও তাদেরকে ভারপ্রাপ্ত অধ্যক্ষের দায়িত্ব না দিয়ে জুনিয়র প্রভাষক জনাব মোঃ আবুল হোসেনকে ভারপ্রাপ্ত অধ্যক্ষের দায়িত্ব প্রদান করা হয় যা বিধি সম্মত হয়নি।

(২) গভর্নিং বডিতে সিদ্ধান্ত ছাড়াই গত ০১/১১/২০১৭ ইং তারিখে বর্তমান কমিটির সভাপতি অধ্যক্ষের সহায়তায় প্রতিষ্ঠানের এফডিআর এবি ব্যাংক হতে অন্য ব্যাংকে স্থানান্তর হয়েছে। এ বিষয়ে বিস্তারিত তথ্য চাওয়া হলে অধ্যক্ষসহ কর্তৃপক্ষ তা সরবরাহ করেননি। এই কারণে ব্যক্তিগত কমিশন কেউ পেয়েছেন কিনা তা প্রমাণ করা সম্ভব হয়নি।

(৩) উইলস লিটল ফ্লাওয়ার স্কুল এন্ড কলেজ এর গভর্নিং বডিতে সভাপতি জনাব আরিফুর রহমান টিটো প্রায় প্রতিদিনই অধ্যক্ষের কক্ষে তার নিজের জন্য রাখিত চেয়ারে বসেন এবং সদস্য মোঃ মোজাম্বেল হক দোতলায় ভিন্ন একটি কক্ষে তিনি একা বসেন এবং সৰ্বক্ষণের প্রতিষ্ঠানের কাজকর্ম তদারকি করেন। ফলে প্রয়োজনে কোন শিক্ষার্থী, শিক্ষক এবং অভিভাবক অধ্যক্ষের সাথে সহজে দেখা করতে পারেন না।

(৪) বার্ষিক পরীক্ষায় অকৃতকার্য শিক্ষার্থীদের টাকার বিনিময়ে গভর্নিং বডিতে সদস্য মোঃ মোজাম্বেল হক ও আশিকুর রহমান নাদিম(চেয়ারম্যানের সহোদর ভাই) প্রমোশনের ব্যবস্থা করেছেন এ বিষয়ে তথ্য চেয়েও অধ্যক্ষের কাছে পাওয়া যায়নি।

(৫) উইলস লিটল ফ্লাওয়ার স্কুল এন্ড কলেজ, কাকরাইল, ঢাকা এর জমির কাগজ-পত্রাদি-ভূল-ভূনি সংশোধনের নামে কমিটির সদস্য মোঃ মোজাম্বেল হক ২০,০০,০০০/- (বিশ লক্ষ) টাকা আত্মাসাৎ করেছেন অভিযোগের বিষয়ে অধ্যক্ষ যথাযথ রেকর্ডপত্র প্রদান করে তদন্ত কমিটিকে সহযোগিতা করেননি। যে সকল রেকর্ডপত্র জমা দিয়েছেন সেখানেও যথাযথ কর্তৃপক্ষের স্বাক্ষর নাই। রেকর্ডে যতটুকু দেখা যায় বিধিবিধান অনুযায়ী অর্থ ব্যয় করা হয়নি।

(৬) উইলস লিটল ফ্লাওয়ার স্কুল এন্ড কলেজ এর গভর্নিং বডিতে বর্তমান সদস্য জনাব মোঃ মোজাম্বেল হক পরীক্ষার সেন্টার ম্যানেজ করার নামে ইচ্চেএসসি-২০১৯ পরীক্ষার্থীদের নিকট থেকে মাথাপিছু ২০০০/- টাকা গ্রহণ করেছেন বিষয়ে সংশ্লিষ্ট শিক্ষার্থী ও অভিভাবকদের তথ্য ও মোবাইল নম্বর চেয়ে অধ্যক্ষের কাছ থেকে তথ্যাদি পাওয়া যায়নি।

(৭) উইলস লিটল ফ্লাওয়ার স্কুল এন্ড কলেজ এর গভর্নিং বডিতে সদস্য জনাব আশিকুর রহমান নাদিম প্রতিষ্ঠানের পুরাতন আসবাবপত্র ও পরীক্ষার উত্তরপত্র টেন্ডার ছাড়া বিক্রি করে অর্থ আত্মাসাৎ করেছেন বিষয়ে উত্তরপত্র বিক্রির তথ্য দেয়া হলেও আসবাবপত্র বিক্রির কোনো তথ্য দেয়া হয়নি। পত্রিকা বিক্রির ক্ষেত্রে বিধিবিধান যথাযথভাবে অনুসরণ করা হয়নি।

(৮) বাংলা মাধ্যম ও ইংরেজি ভার্সনের ৫ম, ৮ম, ১০ম ও দ্বাদশ শ্রেণির বিশেষ ক্লাশ, মডেল টেষ্ট এবং ইংরেজি মাধ্যমের মোক টেস্ট বাবদ আহরিত অর্থের ৩০% টাকা গভর্নিং বডিতে সদস্যবৃন্দ জোর দখল ভোগ করেন বিষয়ে প্রয়োজনীয় তথ্যাদি ও রেকর্ডপত্র সরবরাহ করা হয়নি।

(৯) ভারপ্রাপ্ত অধ্যক্ষ জনাব মোঃ আবুল হোসেন ভারপ্রাপ্ত অধ্যক্ষ হিসেবে থাকার পরও উনার দায়িত্বে অতিরিক্ত কলেজের শাখা প্রধান হিসেবে অতিরিক্ত সম্মান গ্রহণ করেছেন যা বিধিসম্মত নয়।

(১০) উইলস লিটল ফ্লাওয়ার স্কুল এন্ড কলেজ এর অধ্যক্ষ পদে নিয়োগের জন্য বিগত ২৫/০৩/২০১৯ খ্রি তারিখে বিজ্ঞপ্তি প্রকাশ করে, যার পরিপ্রেক্ষিতে মোট ২২টি আবেদন পড়েছে। অধ্যক্ষ নিয়োগের জন্য মহাপরিচালক, মাধ্যমিক ও উচ্চ শিক্ষা অধিদপ্তরের বেসরকারি শাখার নথিতে নেই। উইলস লিটল ফ্লাওয়ার স্কুল এন্ড কলেজ মাউশির খুব কাছাকাছি অবস্থিত। আবেদন জমা দেয়ার পর দীর্ঘদিন অতিবাহিত হলেও কেন প্রতিনিধি মনোনয়ন দেয়া হচ্ছে না বা আবেদনটি কোথায় আছে বা আদৌ জমা হয়েছে কিনা এ সংক্রান্ত কোন সঠিক তথ্য কলেজ কর্তৃপক্ষের কাছে নেই। কলেজ কর্তৃপক্ষের দায়িত্বে অবহেলার কারণে অধ্যক্ষ নিয়োগ হচ্ছে না বলে প্রতীয়মান হয়।

(১১) উইলস লিটল ফ্লাওয়ার স্কুল এন্ড কলেজ, ঢাকা এর ০৩/০৫/২০১৯ তারিখ বাংলাদেশ প্রতিদিন পত্রিকায় ইংরেজি মাধ্যমের শিক্ষক/কর্মচারী নিয়োগের জন্য বিজ্ঞপ্তি প্রকাশিত হয়। শিক্ষকের পদ হলো ২টি-সহকারী শিক্ষক ও সহকারী শিক্ষক(প্রাথমিক শাখা)। সহকারী শিক্ষকের জন্য শিক্ষাগত যোগ্যতা ও অভিজ্ঞতা চাওয়া হয়েছে-স্বীকৃত বিশ্ববিদ্যালয় হতে সংশ্লিষ্ট বিষয়ের স্নাতক(সম্মান)সহ স্নাতকোত্তর ডিপ্লি। কিন্তু ইংরেজি বিষয়ের শিক্ষকদের জন্য বিশেষ কোন অভিজ্ঞতা চাওয়া হয়নি। সহকারী শিক্ষক(প্রাথমিক শাখা) জন্য শিক্ষাগত যোগ্যতা ও অভিজ্ঞতা চাওয়া হয়েছে এইচএসসি বা সমমান, স্নাতকে অধ্যয়নরত প্রার্থীরা আবেদন করতে পারবেন। সহকারী শিক্ষক

নিয়োগের জন্য ইংরেজি মাধ্যমের জন্য যথার্থ হয়নি এবং সহকারী শিক্ষক(প্রাথমিক শাখা)র নিয়োগের জন্য এইচএসসি বা সমমান পাস নিম্নমানের যা কোন বিধিবিধানে নেই। সুতরাং এ ধরনের নিয়োগ জনবল কাঠামো ও প্রচলিত বিধি-বিধান অনুসরণ করা হয়নি।

- (১২) উইলস লিটল ফ্লাওয়ার স্কুল এন্ড কলেজ, ঢাকা এর গভর্নিং বডিতে সহায়তায় অধ্যক্ষ ক্ষমতা অপব্যবহার করে গত জুলাই/২০১৮-এপ্রিল/২০১৯ মোট ১০ মাস যাবৎ শিক্ষক-কর্মচারীদের বার্ষিক প্রবৃদ্ধি(ইনক্রিমেন্ট), বৈশাখী ভাতা, অব্যবহৃত নৈমিত্তিক ছুটি ভাতা, উত্তরপত্র মূল্যায়ন ভাতা এবং প্রগোদনা ভাতা বিগত ২ বছর যাবৎ বন্ধ রেখেছেন।
- (১৩) উইলস লিটল ফ্লাওয়ার স্কুল এন্ড কলেজ, ঢাকা এর অবসর গ্রহণকারী ১০ জন শিক্ষকের হ্যাচুইটিসহ বিভিন্ন পাওনাদি ২ বছর যাবৎ প্রদান না করার বিষয়ে অধ্যক্ষ, সিনিয়র সচিব, শিক্ষা মন্ত্রণালয় এবং মহাপরিচালক, মাধ্যমিক ও উচ্চ শিক্ষা অধিদপ্তর বাংলাদেশ, ঢাকা অবসরকালীন কী কী সুবিধা পেতে পারেন তাহার দিক নির্দেশনা ও মতামত প্রদানের জন্য পত্র প্রেরণ করেছেন বলে জানিয়েছেন কিন্তু বাস্তবে মাউশির সংশ্লিষ্ট প্রতিষ্ঠানের ফাইল পর্যবেক্ষণ করে দেখা যায় সেখানে এই ধরণের কোন পত্র পাওয়া যায়নি। কাছাকাছি প্রতিষ্ঠান হয়েও কেন পত্র জমা হচ্ছে না বা কেন সমাধান হচ্ছে না এগুলো দেখার দায়িত্ব অধ্যক্ষসহ কলেজ কর্তৃপক্ষের কিন্তু তাদের দায়িত্বে অবহেলা পরিলক্ষিত হয়।
- (১৪) উইলস লিটল ফ্লাওয়ার স্কুল এন্ড কলেজ, ঢাকা এর অধ্যক্ষসহ গভর্নিং বডির সাবেক কেয়ারটেকার জনাব মো: তারিকুল আজম খানকে কেয়ারটেকার কাম স্টোর পদ থেকে প্রশাসনিক কর্মকর্তা পদে পদোন্নতি এবং পরবর্তী সহকারী শিক্ষক(বাংলা মাধ্যম, দিবা শাখা)র পদে নিয়োগ প্রক্রিয়া ছাড়া পদায়ন বিধিসম্মত হয়নি।
- (১৫) উইলস লিটল ফ্লাওয়ার স্কুল এন্ড কলেজ, ঢাকা এর গভর্নিং বডির বিভিন্ন অনুষ্ঠানের মাধ্যমে প্রায় ২০,০০,০০০/- (বিশ লক্ষ) টাকা আত্মসাতের বিষয়ে ব্যয়ের বিল ভাউচার চাওয়া হলে অধ্যক্ষ তা আংশিক সরবরাহ করেন।
- (১৬) তদন্ত চলাকালীন সময়ে জনাব নাজমা হোসেন লাকী, শাখা প্রধান(ভারপ্রাপ্ত)(প্রভাতি শাখা, ইংরেজি মাধ্যম) কে ভারপ্রাপ্ত অধ্যক্ষ ২৫/০৮/২০১৯ খ্রি. তারিখ কারণ দর্শনো নোটিশ প্রদান করেন। আগস্ট'২০১৯ মাসে সাময়িক বরখাস্ত করেন। ৩০/১০/২০১৯ খ্রি. তারিখ চুড়ান্ত বরখাস্তের সিদ্ধান্ত গ্রহণ করেন। এ বিষয়ে অধিকরণ তদন্তের প্রয়োজন।
- (১৭) উইলস লিটল ফ্লাওয়ার স্কুল এন্ড কলেজ, ঢাকা এর পরিচালনা পর্যন্তের সিদ্ধান্তের আলোকে জনাব শ্যামলী হোসেন, সিনিয়র শিক্ষক(গার্হস্থ্য বিজ্ঞান, বাংলা মাধ্যম, প্রভাতি শাখা) কে সহকারী শিক্ষক পদ থেকে প্রভাষক পদে পদোন্নতির লক্ষ্যে গঠিত মূল্যায়ন কমিটির সুপারিশের ভিত্তিতে পরিচালনা পর্যন্তের ৭৪তম সভার আলোচ্য বিষয় ৭ এর সিদ্ধান্তের আলোকে তাকে ০১/১০/২০১৩ খ্রি. তারিখ থেকে সহকারী শিক্ষক থেকে প্রভাষক পদে পদোন্নতি প্রদান করা হয় কিন্তু প্রভাষক পদে কোন নিয়োগ প্রক্রিয়া সম্পন্ন হয়নি। সুতরাং প্রভাষক পদে নিয়োগ জনবল কাঠামো ও প্রচলিত বিধি-বিধান অনুসরণ পূর্বৰ্ক হয়নি।
- (১৮) বর্তমান কমিটির পূর্বে বিভিন্ন সময়ে উক্ত প্রতিষ্ঠানে অনেক শিক্ষক-কর্মচারী বিধি বহির্ভূতভাবে নিয়োগ পেয়েছেন বলে জানা যায়। বর্ণিত বিষয়ে ভারপ্রাপ্ত অধ্যক্ষসহ কলেজের গভর্নিং বডির কাছে তথ্য চাওয়া হলেও তা পাওয়া যায়নি। ফলশ্রুতিতে আরো অধিকরণ তদন্ত করা প্রয়োজন।

এমতাবস্থায়, তদন্ত কর্মকর্তার উল্লেখিত ১-১৮ নং অনুচ্ছেদের প্রতিটি মতামতের বিষয়ে প্রাম্যান্য রেকর্ডপত্রসহ সুল্পষ্ট ব্যাখ্যা এবং স্কুল ও কলেজ শাখার এম.পি.ও ভুক্ত শিক্ষকদের নামের তালিকা (নাম, পদবী, ইনডেক্স নম্বর, যোগদানের তারিখ, এম.পি.ও ভুক্তির তারিখ এবং শিক্ষকদের স্বাক্ষরসহ) আগামী ০৫(পাঁচ) কর্মদিবসের মধ্যে মহাপরিচালক, মাধ্যমিক ও উচ্চ শিক্ষা অধিদপ্তর বাংলাদেশ, ঢাকা বরাবর দাখিল করার জন্য নির্দেশক্রমে অনুরোধ করা হলো।

৪/৮/১৯.১.২৪

(মো: আবদুল কাদের)

সহকারী পরিচালক (কলেজ-৩)

ফোনঃ ৯৫৫৬০৫৭

Email-ncollege@ dshe.gov.bd

অধ্যক্ষ(ভারপ্রাপ্ত)

উইলস লিটল ফ্লাওয়ার স্কুল এন্ড কলেজ

কাকরাইল, ঢাকা-১০০০।

বিতরণ(সদয় অবগতি) :

- ১। সচিব, মাধ্যমিক ও উচ্চ শিক্ষা বিভাগ, শিক্ষামন্ত্রণালয়, বাংলাদেশ সচিবালয়, ঢাকা;
- ২। মাননীয় শিক্ষামন্ত্রী মহোদয়ের একান্ত সচিব, শিক্ষামন্ত্রণালয়, বাংলাদেশ সচিবালয়, ঢাকা;
- ৩। পরিচালক, মাধ্যমিক ও উচ্চ শিক্ষা, ঢাকা অঞ্চল, ঢাকা;
- ৪। সভাপতি, গভর্নিং বডি, উইলস লিটল ফ্লাওয়ার স্কুল এন্ড কলেজ, কাকরাইল, ঢাকা;
- ৫। জেলা শিক্ষা অফিসার, ঢাকা;
- ৬। সংরক্ষণ মথি।